

大毘婆沙論

才一百六十一

三百八十八  
逸一

50593



BRITISH MUSEUM  
LONDON



阿毗達磨大毗婆沙論卷第一百六十一  
逸

五百大阿羅漢等造 三藏法師玄奘奉 詔譯

定蘊第七中得納息第一之五

味相應初靜慮入當言味耶出當言味耶乃至廣說問何故作此論答欲令疑者得決定故謂品類足說初靜慮云何答初靜慮所攝善色受想行識乃至第四靜慮云何答第四靜慮所攝善色受想行識勿令生如是疑靜慮唯善欲顯靜慮非唯是善故作斯論以靜慮通善染無覆無記故味相應初靜慮入當言味耶出當言味耶答於能味當言入於所味當言出乃至味相應非想非非想處入當



言味耶出當言味耶答於能味當言入於所  
味當言出此中愛名爲味三摩地名初靜慮  
等即愛相應諸三摩地名味相應靜慮無色  
問何故但說與愛相應非餘煩惱答是作論  
者意欲示故乃至廣說有說亦應說餘煩惱  
謂應說有身見相應初靜慮入當言取我我  
所耶出當言取我我所耶答於能取當言入  
於所取當言出廣說乃至無明相應初靜慮  
入當言愚耶出當言愚耶答於能愚當言入  
於所愚當言出乃至非想非非想處說亦如  
是而不作是說者應知此義有餘有說此中  
舉愛爲門今知餘煩惱亦亦有說此中說相

似者謂愛與定相似非餘煩惱所以者何定於所緣流注相續愛亦如是復次定於所緣審諦而取愛亦如是復次定於所緣繫心不離愛亦如是復次定於所緣攝受而轉愛亦如是復次定能長益諸根大種愛亦如是諸煩惱無此相故不說相應問味是愛非

慮等不應言入以於定有入言故靜慮等是定非愛不應言味以於愛有味言故何故二法更乎得名答由此二法展轉相應更乎受名斯有何過謂定愛相應故亦可名味受定相應故亦可言入此中入出者入出有五種一地二行相三所緣四異類心五刹那地入



出者謂初靜慮等無間第二靜慮現在前時  
名入第二靜慮出初靜慮乃至無所有處等  
無間非想非非想處現在前時名入非想非  
非想處出無所有處如順次入出如是逆次  
入出及順逆起入出亦尔行相入出者謂無  
常行相等無間苦行相現在前時名入苦行  
相出無常行相餘行相亦尔所緣入出者謂  
緣色定等無間緣受定現在前時名入緣受  
定出緣色定緣餘定亦尔異類心入出者謂  
欲界心等無間色界或不繫心現在前時名  
入色界或不繫心出欲界心色界心等說亦  
尔如欲界等心學等心亦如是餘善等心隨

應亦亦刹那入出者謂初刹那等無間第二  
刹那現在前時名入第二刹那出初刹那餘  
刹那亦亦於五入出中此依刹那入出而作  
論於能味當言入於所味當言出者有作是  
說此中說味相應定流注相續現在前時皆  
以前刹那爲所味是所緣故後刹那爲能味  
是能緣故於能味當言入者謂後後刹那味  
相應靜慮無色現在前時名於能味已入於  
已起位方成能味故於所味當言出者謂前  
前刹那味相應靜慮無色已謝滅時名於所  
味已出於已滅位方成所味故問受相應定  
能緣三世何故惟說緣過去耶有說此依多



分而說謂有情類法亦多緣曾所受順境生  
愛味故有說過去定於相續中已作饒益現  
在定從彼而起追戀生愛有說此中依入出  
定而爲問答未來定未名入出現在定名入  
未名出過去定名入已出今欲顯於已出位  
生味故但說緣過去有餘師說此中說淨定  
無間起味相應定淨定爲所味是所緣故味  
相應定是能味是能緣故餘如前說評曰應  
知初說爲善此中入出皆依味定而作論故  
諸味相應初靜慮皆有覆無記耶乃至廣說  
問何故作此論答前文惟說愛相應定今欲  
顯定亦與餘煩惱相應故作斯論諸味相應



初靜慮皆有覆無記耶設有覆無記初靜慮  
皆味相應耶荅諸味相應初靜慮皆有覆無  
記有有覆無記初靜慮非味相應謂除愛餘  
煩惱現前乃至諸味相應非想非非想處皆  
有覆無記耶設有覆無記非想非非想處皆  
味相應耶荅諸味相應非想非非想處皆有  
覆無記有有覆無記非想非非想處非味相  
應謂除愛餘煩惱現前此中味相應靜慮無  
色皆有覆無記者能障聖道及聖道加行故  
名有覆不招異熟果故名無記餘煩惱者謂  
見疑慢無明此諸煩惱與不染污靜慮無色  
展轉相續而現在前今瑜伽師名愛上靜慮

見上靜慮疑上靜慮慢上靜慮者亦有餘纏  
隨煩惱垢共相應義煩惱勝故但說煩惱頗  
有不入初靜慮入第二靜慮耶答入乃至頗  
有不入無所有處入非想非非想處耶答入  
問何故作此論答欲令疑者得決定故如品  
類足說初者謂次第隨順相續連合由數為  
初故復次次第隨順相續連合入諸定時此  
最初故諸契經中亦說九次第定或有生如  
是疑若不入初靜慮等便不能入第二靜慮  
等今欲令彼生決定解不入初靜慮等亦能  
入第二靜慮等故作斯論頗有不入初靜慮  
入第二靜慮耶答入云何入謂從未至定或



靜慮中間或第二靜慮近分或第二靜慮或  
第三靜慮近分或第三靜慮或第四靜慮等  
無間第二靜慮現在前此中有說欲界善心  
等無間惟能入未至定有說亦能入初靜慮  
有說亦能入靜慮中間尊者僧伽伐蘇說曰  
亦能入第二靜慮如超定者從初靜慮等無  
間超第二靜慮入第三靜慮如是亦應從欲  
界善心等無間超初靜慮入第二靜慮此不  
應理欲界善心非定心故不可得說與諸定  
心同共勢力頗有不入第二靜慮入第三靜  
慮耶荅入云何入謂從初靜慮或第三靜慮  
近分或第二靜慮或第四靜慮近分或第四

靜慮或空無邊處有說亦從第二靜慮近分  
等無間第三靜慮現在前頗有不入第三靜  
慮入第四靜慮耶荅入云何入謂從第二靜  
慮或第四靜慮近分或第四靜慮或空無邊  
處近分或空無邊處或識無邊處有說亦從  
第三靜慮近分等無間第四靜慮現在前如  
是乃至頗有不入無所有處入非想非非想  
處耶荅入云何入謂從識無邊處或非想非  
非想處近分或非想非非想處有說亦從無  
所有處近分等無間非想非非想處現在前  
此中遮刹那不遮相續不遮分位不遮衆同  
分不遮無始時來謂入此定前刹那不入彼



定非餘刹那亦不曾入故相續等於此不遮  
由斯理趣應知亦有遮二遮三乃至遮七謂  
頗有不入初第二靜慮入第三靜慮耶荅入  
謂依未至定離欲界乃至第二靜慮染命終  
生第三靜慮或從上地歿生第三靜慮即於  
彼第三靜慮現在前乃至頗有不入四靜慮  
下三無色入非想非非想處耶荅入謂依未  
至定離欲界乃至無所有處染命終生非想  
非非想處即於彼非想非非想處定現在前  
此依遮刹那乃至遮衆同分不遮無始時來  
說其有亦不遮衆同分或亦不遮分位義亦  
無違應准前說

頗有不入初靜慮生梵世耶。答生乃至頗有  
不入非想非非想處生非想非非想處耶。答  
生問何故作此論。答欲令疑者得決定。故如  
契經說先入此定後生彼中。乃至廣說。或有  
生疑要入彼定方得生彼。欲令此疑得決定  
故顯雖不入彼定亦得生彼。故作斯論。問若  
亦經說當云何。通答有諸有情先入彼定後  
生彼中。有諸有情不入彼定而亦生彼。契經  
說入定生彼者。阿毗達磨說不入定生彼者。  
如是則二說善通。問若不入彼定亦得生彼  
何故。世尊惟說入定生彼。處耶。答有諸外道  
謂梵天等非修定得故。世尊說先此入定後



方生彼令決定信果由因得復次有諸有情  
耽著現在少分欲樂不樂當來離欲勝果世  
尊爲彼毀些欲樂讚離欲果彼有情聞已忻  
樂請說所因故佛爲說先入彼定後生彼處  
復次有諸有情聞說上界離欲勝果不生信  
解佛意欲顯若能入彼根本定時現受勝樂  
令知彼果更爲勝妙故佛爲說先此入定後  
生彼中復次有瑜伽師能入彼定雖樂生彼  
而不現入故佛爲說先此入定後方生彼復  
次有瑜伽師雖厭欲界苦求離欲樂而於離  
欲法懈怠不修故佛爲說先此入定後生彼處  
頗有不入初靜慮生梵世耶荅生云何生謂

依未至定離欲界染最後解脫道及後時不入初靜慮彼若未離初靜慮染命終必當生於梵世或上地歿生彼天中間不起彼定云何生彼無異熟因故荅順後次受業為異熟因故得生彼頗有不入第二靜慮生極光淨耶荅生云何生謂依未至初靜慮靜慮中間第二靜慮近分隨一離初靜慮染不入第二靜慮彼若未離第二靜慮染命終必當生極光淨或上地歿生彼天中頗有不入第三靜慮生遍淨耶荅生云何生謂依未至初靜慮靜慮中間第二靜慮第三靜慮近分隨一離第二靜慮染不入第三靜慮彼若未離第三



靜慮染命終必當生於遍淨。或上地歿生彼  
天中如是乃至頗有不入非想非非想處生  
非想非非想處耶。答生云何生。謂依未至定  
乃至無所有處。隨一離無所有處。染未離上  
染不入非想非非想處。命終必生非想非非  
想處。此中遮刹那遮相續遮分位遮衆同分  
不遮無始時來。

若得初靜慮非第二靜慮。彼命終生何處。乃  
至廣說問何故作此論。答欲令疑者得決定  
故。如世尊說。苾芻當知我說依初靜慮能盡  
諸漏。依第二靜慮乃至無所有處。能盡諸漏。  
勿有生疑。惟依根本定。能盡諸漏。非未至等。

為令此疑得決定故顯依九地皆能盡漏謂  
七根本未至中間餘近分地雖不能盡而亦  
能斷故作斯論然得有二種一現前得二成  
就得此中依現前得而作論若得初靜慮非  
第二靜慮彼命終生何處答或梵世或極光  
淨或遍淨或廣果或空無邊處或識無邊處  
或無所有處或非想非非想處或無處所謂  
現前得初靜慮非第二靜慮者決定已離欲  
界染而上地不定於中若未離初靜慮染彼  
命終生梵世若依未至定或初靜慮或靜慮  
中間或第二靜慮近分隨一離初靜慮染最  
後解脫道及後時不入第二靜慮未離第二



靜慮染彼命終生極光淨即彼若依未至初  
靜慮靜慮中間隨一離第二靜慮染未離上  
染彼命終生遍淨若即依前三地隨一離第  
三靜慮染未離上染彼命終生廣果如是乃  
至若即依前三地隨一離非想非非想處染  
彼命終無生處已離三界染故若得第二靜  
慮非第二靜慮彼命終生何處等或極光淨  
或遍淨乃至或非想非非想處或無處所謂  
現前得第二靜慮非第三靜慮者決定已離  
初靜慮染而上地不定於中若未離第二靜  
慮染彼命終生極光淨若依未至初靜慮靜  
慮中間第二靜慮第三靜慮近分隨一離第

二靜慮染不入第三靜慮未離第三靜慮染  
彼命終生遍淨即彼若依未至初靜慮靜慮  
中間第二靜慮隨一離第三靜慮染未離上  
染彼命終生廣果若即依前四地隨一離第  
四靜慮染未離上染彼命終生空無邊處如  
是乃至若即依前四地隨一離非想非非想  
處染彼命終無生處若得第三靜慮非第四  
靜慮彼命終生何處荅或遍淨或廣果乃至  
或非想非非想處或無處所謂現前得第三  
靜慮非第四靜慮者決定已離第二靜慮染  
而上地不定於中若未離第三靜慮染彼命  
終生遍淨若依未至定乃至第三靜慮隨一



離第三靜慮染未離上染彼命終生廣果若  
即依前五地隨一離第四靜慮染未離上染  
彼命終生空無邊處如是乃至若即依前五  
地隨一離非想非非想處染彼命終無生處  
若得第四靜慮非空無邊處彼命終生何處  
答或廣果乃至或非想非非想處或無處所  
謂現前得第四靜慮非空無邊處者決定已  
離第三靜慮染而上地不定於中若未離第  
四靜慮染彼命終生廣果若依未至定乃至  
第四靜慮隨一離第四靜慮染未離上染彼  
命終生空無邊處若即依前六地隨一離空  
無邊處染未離上染彼命終生識無邊處如

是乃至若即依前六地隨一離非想非非想  
處染彼命終無生處若得空無邊處非識無  
邊處彼命終生何處答或空無邊處乃至或  
無處所謂現前得空無邊處非識無邊處者  
決定已離第四靜慮染而上地不定於中若  
未離空無邊處染彼命終生空無邊處若依  
未至定乃至空無邊處隨一離空無邊處染  
未離上染彼命終生識無邊處如是乃至若  
即依前七地隨一離非想非非想處染彼命  
終無生處若得識無邊處非無所有處彼命  
終生何處答或識無邊處乃至或無處所謂  
現前得識無邊處非無所有處者決定已離



空無邊處染而上地不定於中若未離識無  
邊處染彼命終生識無邊處若依未至定乃  
至識無邊處隨一離識無邊處染未離上染  
彼命終生無所有處如是乃至若即依前八  
地隨一離非想想非想想處染彼命終無生處  
若得無所有處非想想非想想處彼命終生  
何處答或無所有處乃至或無處所謂現前  
得無所有處非想想非想想處者決定已離  
識無邊處染而上地不定於中若未離無所  
有處染彼命終生無所有處若依未至定乃  
至無所有處隨一離無所有處染未離上染  
彼命終生非想想非想想處若即依前九地隨

一離非想非非想處染彼命終無生處由斯  
理趣應知亦有得二得三乃至得七遮亦如  
是答理無異故不具說問若得欲界善心非  
初靜慮此中何故不問彼命終生何處耶有  
說亦應說若得欲界善心非初靜慮彼命終  
生何處答或欲界或梵世乃至或非想非非  
想處或無處所謂現前得欲界善心非初靜  
慮者彼決定在欲界而離染不定謂彼若未  
離欲界染命終還生欲界若依未至定離欲  
界染最後解脫道及後時不入初靜慮未離  
初靜慮染彼命終生梵世即彼若依未至定  
離初靜慮染未離上染彼命終生極光淨乃



至若依未至定離無所有處染未離上染彼  
命歿生非想非非想處若依未至定離非想  
非非想處染彼命歿無生處應作是說而不  
說者當知此義有餘有說彼不應問荅欲界  
以此是定蘊正問荅定及定果欲界非定非  
定果是故不說問得初靜慮非第二靜慮等  
彼命歿亦生欲界等此中何故不說有說亦  
應說彼生一切下地而不說者當知此義有  
餘有說此是定蘊正顯生定地若說生下則  
有生欲界不定地過是故不說有說此中說  
得諸定而死生者諸生下者退捨諸定是以  
不說問諸生上者於命歿時亦捨諸定何故

則說答諸生上者雖有所捨猶名勝進況有所  
所得諸生下者雖有所得尚名退墮況有所  
捨今是定蘊正顯勝進是故不說問契經但  
說依初靜慮乃至無所有處能盡諸漏去何  
知有靜慮中間及未至定依之盡漏答世尊  
說有三三摩地能盡諸漏謂有尋有伺無尋  
惟伺無尋無伺餘經又說初靜慮名有尋有  
伺第二靜慮以上名無尋無伺若無靜慮中  
間更說何等名無尋惟伺由此知有靜慮中  
間依之盡漏又契經說佛告苾芻我不惟說  
依離欲惡不善法有尋有伺離生喜樂初靜  
慮具足住等能盡諸漏然由慧見亦能盡漏



此經則顯有未至定依之盡漏又未離欲染  
聖者未得靜慮而見聖諦若無未至定依何  
得起聖道永斷諸漏由此故知有未至定依  
之盡漏問何不即說初靜慮等能盡諸漏而  
說依耶有說靜慮有先曾得若世尊說初靜  
慮等能盡諸漏則無知者謂得靜慮皆已盡  
漏是故佛說依靜慮等起無漏道方能盡漏  
有說諸定惟是奢摩他要毗舍舍那方能盡  
漏故說依定應須起慧有說諸定多是曾得  
勿有戀著不欲進修故說依之進求勝道不  
應生著問如契經說非非想非非想處俱行修  
念等覺支餘經復說乃至想定能正通達能

辯聖旨前經亦說依初靜慮乃至無所有處能盡諸漏如是二說豈不相違答初經說能引發後二經說即依彼又初經說方便後二經說成滿問若尔何故說俱行耶答於前後義俱聲亦轉如世尊說曼駄多王起此想俱即便墮落二經復說起此想俱彼諸有情即便殞歿又餘經說毗摩質多羅王起此心俱尋見自身被五繫繫此皆前後而說俱聲修覺支經應知亦尔問若法初靜慮為因彼法是初靜慮果耶設法是初靜慮果彼法初靜慮為因耶答諸法初靜慮為因彼法是初靜慮果有法是初靜慮果彼法非初靜慮為因



謂三界結斷及初靜慮果欲界通果心品乃至第四靜慮亦應作此問答於無色定惟應說結斷問諸捨初靜慮地心得第二靜慮地心皆初靜慮地心滅第二靜慮地心起耶答應作四句第一句者謂間或第二靜慮近分離梵世染不入根本地介時捨初靜慮地染污心得第二靜慮地不染污心而非彼滅此起第二句者謂非離染次第入定時第三句者謂初靜慮歿生第二靜慮時第四句者謂除前相問諸捨第二靜慮地心得初靜慮地心皆第二靜慮地心滅初靜慮地心起耶答應作四句第一句者謂

起欲界纏退第二靜慮時第二句者謂逆次  
第入定時第三句者謂生時第四句者謂除  
前相問諸捨初靜慮煩惱彼得第二靜慮地  
善法耶答應作四句第一句者謂依未至定  
或初靜慮靜慮中間入見道四心頃第二句  
者謂依第二第三第四靜慮入見道時及聖  
者離上七地染時第三句者謂離初靜慮染  
時第四句者謂除前相問諸捨第二靜慮地  
功德彼得初靜慮地煩惱耶答應作四句第  
一句者謂退上地對治及上地所修第二靜  
慮地功德時第二句者謂上地歿生欲界及  
梵世時第三句者謂極光淨歿生欲界及梵



世時及起下地煩惱退第二靜慮時第四句  
者謂除前相於餘定隨其所應亦應作此問  
答分別

說一切有部發智大毗婆沙論卷第二百六十一 逸

獎

慈反

朗

評曰

上病並  
二音

瑜伽

上羊  
朱反

耽

丁舍反

些些

二同  
紫

用

苾芻

上頻  
反下楚

必步  
俱反

結二

伺

相寺反

毗盃

下

馱

上莫  
唐賀反

官反

殞

上于  
敏反

